

畿輔通志卷一百十九

略七十四 經政二十六 兵制一 前代

謹案三代以前畿疆兵制略不可考其見於書史者史記
神農氏世衰軒轅乃習用干戈教熊羆貔貅猛虎與炎帝
戰於阪泉之野徵師諸侯與蚩尤戰於涿鹿之野合符釜
山而邑於涿鹿之阿遷徙往來無常處以師兵爲營衛括
地志云阪泉在媯州懷戎縣東出五里至涿鹿皆今保安
州境竹書紀年堯卽位居冀十二年初治兵冀亦多今直
隸境漢志殷周以兵定天下因井田制軍賦爲乘馬之法
案乘馬之制始於夏竹書紀年夏相卽位居帝邱十五年
商侯相土作乘馬是也帝邱今大名府屬開州地國語齊
管仲作內政而寄軍令制國爲軌里連鄉萬人爲一軍五

鄉之帥帥之案滄州長蘆縣有燕留城卽齊桓公分溝割
燕君所至處見史紀正義長蘆今爲天津府天津縣地又
管仲言齊北至於無棣杜預注云齊境伏琛齊土記曰無
棣今之渤海高城縣高城後改鹽山無棣溝幹瀆在城南
三十餘里溝枝瀆在慶雲縣界亦卽隋唐原設之無棣界
連青域直境之東南故齊土也內政之作亦有關畿疆之
制戰國策燕地方二千里帶甲數十萬車七百乘騎六千
匹粟支二年趙地方三千里帶甲數十萬車千乘騎萬匹
粟支十年案戰國兵制皆隨國強弱因時變更非爲定制
五帝三王之世多渾舉兵事亦未可專截直隸而言今概
從略斷自秦始

秦

秦滅諸侯以其地爲郡置守丞尉各一人守丞治民尉典兵

秦置郡丞其郡當邊戍者丞爲長史掌兵馬郡尉掌佐守典

武職甲卒

通志

秦爵不更不爲更卒左右中更主領更卒其番上則尉主之

鐵文子補

漢兵志

謹案史記秦河間守軍於扛里灌嬰擊東郡尉此守尉典
兵之見於直境者也茲舉郡守丞尉之職以著秦時兵制
大凡

二世元年發閭左適戍漁陽者九百人應劭曰秦時以謫發
之名謫戍先發吏有過及贅壻賈人後以嘗有市籍者又後
以大父母父母嘗有市籍者戍者曹輩盡復入閭取其左發

之未及取右而秦亡

史記注

漢

高祖命天下郡國選能引關蹶張材力武猛者以爲輕車騎

士材官平地用車騎山阻用材官

資治通鑑注引漢官儀

郡國之兵則材官騎士是也

騎士亦始於秦故秦騎士李必駱甲見漢灌嬰傳

漢創

秦故始令天下縣邑城而材官騎士歲時講肄然其給事郡

國唯更卒衛士而材官騎士非虎符不得輒發唯當寇之邊

特異內郡自漢初置諸侯王以信臣監邊

盧綰傳陳豨以郎中封爲列侯以趙

相國將監趙代邊兵韓信傳陳豨爲代相監邊辭信信曰公之所居天下精兵處也

其後徙代地置雲

中而燕代皆割其南北邊爲郡不給衛士材官又以令徙姦

猾吏民於邊以捍寇虜有征伐則將其兵以從將軍雖高爵

復然不能不興發也太守將萬騎行障塞治亭徼置長史司

馬侯千人蓋其權重矣補漢兵志

材官騎士屬郡都尉漢舊儀常以八月太守都尉令長丞尉

為會都試課殿最材官騎士習射御騎馳戰陣水處為樓船亦習戰射行船令丞尉亦各

統其縣守尉不得專也郡國不擅斥騎士非教士不得徵發

同上

漢舊儀邊郡邊郡上名漁陽右北平太守漢皆為邊郡太守置長史一人丞一人

治兵民當兵行長史領置部都尉千人司馬侯農都尉皆不

治民邊郡又有長史掌兵馬秩六百石漢志郡置太守一人

丞一人郡當邊戍者悉為長史王國之相亦如之同上

郡尉秩比二千石典兵禁捕盜職議出入有丞秩二百石景帝中二年

更名都尉漢書地理志漢魏郡魏縣都尉治鉅鹿郡下曲陽縣都尉治涿郡安平都尉治勃海郡高成都尉治

上谷郡甯縣西部都尉治女祁東部都尉治漁陽郡要陽郡尉治右北平郡薺縣都尉治遼西郡柳城西部都尉治交黎

東部都尉治諸侯王國中尉掌武職漢書百官表 歷代職官表

尉之丞佐尉典武職
甲卒乃爲一定之官

建武六年省諸郡都尉并職太守無都試之役應邵曰每有劇賊郡臨時

置都尉事
訖罷之
惟邊郡往往置都尉及屬國都尉稍有分縣治民

比郡七年三月詔罷輕車騎士材官樓船士及軍假吏還復

民伍後漢紀志

漢材官騎士皆調民爲兵非有常置之額而歲時講肄及有

事調發則皆都尉主之他如景帝中三年秋中尉不害將軍車

騎材官士屯代高柳武帝元光六年韓安國爲材官將軍屯

軍於漁陽此則徵京輔郡國之兵而特遣大臣以爲將軍歷代

職官表

史記索隱邊境有屯兵後因置將屯將軍如傅寬之以代相

國將屯是也武帝後時有將屯之兵據趙充國傳遷中郎將將屯上谷又充國傳將四萬騎屯緣邊九郡師古曰九郡者五原朔方雲中代郡雁門定襄北平上谷漁陽參歷代職官表及補漢兵志

耿弇陳上谷漁陽兵馬

兩郡控弦萬騎

歸發突騎光武曰突騎天下

精兵也

資治通鑑

光武建武十五年使將軍馬成代杜茂繕治障塞十里一堠

以備邊使騎都尉張堪領杜茂營拜堪漁陽太守

同上

安帝永初五年詔魏郡趙國常山中山繕作塢堠六百一十

六所元初四年發緣邊甲卒黎陽營兵屯上谷冬復發緣邊

諸郡黎陽營兵積射士步騎二萬人屯列衝要

同上

順帝永建元年詔黎陽營兵出屯中山北界令緣邊郡增置

步兵列屯塞下教習戰射

同上

郡國兵之各立營伍始於黎陽立營其後安帝置漁陽營順

帝時緣海又稍稍增兵而魏郡趙國等塢多置軍屯

周代職官表

劉焉以刺史威輕不能禁四方兵寇建議改置牧伯鎮安方

夏請選重臣以居其任議得用宗正劉虞爲幽州牧以本秩

居職州任之重自此而始

後漢書傳

魏

魏武爲相始遣大將軍督軍而袁紹分統諸軍爲三都督

紹爲

冀州牧

文帝黃初三年始置都督諸州軍事或領刺史

通典

世語曰紹步卒五萬騎八千孫盛評曰案魏武謂崔琰曰昨

案貴州戶籍可得三十萬衆由此推之但冀州勝兵已如此

况兼幽并及青州乎

三國志注

周瑜校魏武所將中國人不過十五六萬

三國志注

黃初中復令州郡典兵都督加鎮北將軍等號

文獻通考

晉

晉武帝詔諸王各以戶邑多少為三等大國置三軍次國二

軍小國一軍諸王為都督者各徙其國使相近

如趙王督鄴城守事資鑑

治通鑑

武帝泰始元年封諸王以郡為國邑二萬戶為大國

燕王機本六千

六百六十三戶增為二萬戶

置上中下三軍兵五千人邑萬戶為次國置

上軍下軍兵三千人五千戶為小國

高陽王珪五千五百七十戶

置一軍

兵千五百人王不之國官於京師罷五等之制公侯邑萬戶

以上為大國五千戶以上為次國不滿五千戶為小國

晉地理志

有司奏從諸王公更制戶邑皆中尉領兵又為郡公制度如

小國王亦中尉領兵郡侯如不滿五千戶王置一軍一千一

百人亦中尉領之縣王邑千戶至是改正縣主增邑爲三千

戶

常山孝王三千七百九十戶

制度如郡侯亦置一軍其公之制度如五

千戶國侯之制度如不滿五千戶國亦置一軍千人中尉領

之伯子男以下各有差而不置軍

晉有鉅鹿郡公裴秀博陵侯王沈南皮伯爲瑯琊王

備初封石鑒時封堂陽子

大國始封之孫罷下軍曾孫又罷上軍次國始

封子孫亦罷下軍其餘皆以一軍爲常大國中軍二千上

下軍各千五百人次國上軍二千人下軍千人其未之國者

大國置守土百人次國人十人小國六十人郡侯縣公亦如

小國

晉職官志

太康元年詔曰昔自漢末刺史內親民事外領兵馬今天下爲一當韜戢干戈刺史分職皆如漢氏故事悉去州郡兵大

郡置武吏百人小郡五十人及永甯以後刺史復兼兵民之

任州鎮愈重資治通鑑

晉都督諸軍爲上監諸軍次之督諸軍爲下使持節爲上持

節次之假節爲下

如唐彬使持節監幽州諸軍事王浚持節都督幽州諸軍事劉宏以甯朔將軍假節

監幽州諸軍事通典

魏晉以後刺史多帶將軍開府州與府各置僚屬州官理民

府官理戎

邵續爲冀州刺史進平北將軍號時又有以安北將軍兼領幽冀二刺史者同上

北魏齊周

魏都督府州諸軍事從第一品上

如都督五州及都督冀都定殷相四州諸軍事

督三州諸軍事第二品上

如都督冀定太三州諸軍事及滄冀瀛三州刺史大都督

一州諸軍事從第二品下

如假節督滄州諸軍事魏書官氏志

行臺肇端於魏晉爲專征討而設不爲常制至後魏始開府

置屬號爲尙書大行臺於一路府州無所不統然亦以專主

軍事也

孝昌元年詔幽州刺史常景爲行臺

齊後始理民事兵農刑政盡歸統

轄

歷代職官表

魏之鎮大將在諸鎮將之上鎮都大將又在鎮大將之上又

魏世鎮大都督蓋亦鎮都大將之比

時有和龍鎮都大將禦

今承德府屬朝陽界禦彝故地接承德毗連宣府

歷代職官表

北齊制州爲上中下三等每等又持節諸軍事

通典

北齊於幽州置東北道行臺

太平寰宇記

後周改都督諸軍事爲總管

定州幽州皆置總管府

又有大都督帥都

督都督

通典及文獻通考

謹案州郡典兵拓拔率同於魏晉督軍事率刺史也齊周

亦多仍魏制而府兵之立惟周爲然

隋

隋開皇十年詔軍人悉屬州縣詔曰魏末喪亂軍人權置坊

府

元魏之末兵制有六坊北齊有六府

南征北伐居處無定今可悉屬州縣其

墾田籍帳一與民同軍府統領一依舊式罷北方緣邊之地

新置軍府

通鑑

舊有兵處刺史帶諸軍事以統之別置都尉副都尉領兵與

郡不相知

隋百官志

開皇三年置幽州總管

日下舊聞考

營州總管府開皇初置開皇

六年徙元州於漁陽并置總管

隋地理志

大業元年廢諸州總管府

通鑑

大業八年四方兵皆集涿郡伐高麗左右各十二軍凡一百

一十三萬三千八百人號二百萬其餽運者倍之帝親授節

度每軍大將亞將軍各一人騎兵四十隊隊百人十隊爲團
步卒八十隊分爲四團團各有偏將一人其鎧冑纓拂旗幡
每團異色受降使者一人承認慰撫不受大將節制其輜重
散兵等亦爲四團使步卒挾之而行進止立營皆有次序儀

法參文獻通考及通鑑

大業九年徵天下兵募民爲驍果集於涿郡隋書本紀

唐

唐武德初始置軍府以驃騎車騎兩將軍府領之析關中爲

十二道三年更以爲軍文獻通考十二道有幽州道核與析在關中不符據唐會要作邠州道幽

疑幽字六年廢十二軍改驃騎曰統軍車騎曰別將居歲餘

復十二軍軍置將軍一人軍有防置主一人貞觀十年更號

統軍爲折衝都尉別將爲果毅都尉諸府總曰折衝府凡天

下十道置府六百三十四皆有名號而關內二百六十有一
皆以隸諸衛凡府三等兵千二百人爲上千人爲中八百人
爲下府置折衝都尉一人左右果毅都尉各一人長史兵曹
判將各一人校尉六人士以三百人爲團團有校尉五十人
爲隊隊有正十人爲火火有長每人兵甲糧裝各有數輸之
庫征行給之二十爲兵六十而免能騎射者爲越騎其餘爲
步兵每歲季冬折衝都尉帥以教戰當給馬者官與直當宿
衛者番上兵部以遠近給番遠疎近數皆一月而更

唐書
兵志

河東道

蔚州新州暨飛狐
懷茂等縣屬河東

置府百三十九河北道置府十四

同上

河東道府額亞於關中河北之地人多壯勇故不置府

唐會
要

謹案河北置府十四見唐兵志及通考唐地理志言府二

十有八與會要不置府說歧異疑唐初未置繼置十四於幽州後復增設也

武德五年以幽州爲大總管府七年改大總管府爲大都督

府總管府曰都督府

新唐書兵志唐初亦置行臺貞觀後廢見通典

武德九年改幽州大都督爲都督幽易景瀛東鹽滄滿蓁北

義燕營遼平檀元北燕等十七州

太平寰宇記

大都督府都督一人從二品中都督府都督一人正三品下

都督府都督一人從三品掌督諸州兵馬甲械城隍鎮戍糧

稟總判府事

府皆置長史一人如張守珪轉幽州長史唐書唐六典

唐初緣邊鎮守及襟帶之地沿隋舊制置總管府以統軍戍

武德七年改總管府爲都督府其統十州者爲大總管府亦

兼刺史而不檢校州事蓋專以典軍爲職

歷代職官表

開元時以府兵之法寢壞番役更代多不以時張說乃請一切募士宿衛號長從宿衛明年更號曰彍騎又詔諸州府馬闕官私共補之今兵貧難致乃給以監牧馬然自是諸府士益多不補

唐書兵志

方鎮者節度使之兵也原其始起於邊將之屯防者唐初兵之戍邊者大曰軍小曰守捉曰城曰鎮而總之者曰道若盧龍軍一東軍等守捉十一曰平盧道橫海北平高陽經略安塞納降唐興勃海懷柔威武鎮遠靜塞雄武鎮安懷遠保定軍十六曰范陽道橫野等軍曰河東道此皆武德至天寶以前邊防之制其軍城鎮守捉皆有使而道有大將一人曰大總管已而更曰大都督

同上

河北道都護府一

唐書地理志